

Պատձեն և օրինակ ուխտին

Յանուն հօր և Որդւոյ, և Հոգւոյն սրբոյ. Ամէն:

Լութ ինձ Հայր սուրբ, անարժան ծառայիդ, որ եմ տկար ամենայնի, բայց շնորհօք Տեան մերոյ Յիսուսի Քրիստոսի ուխտեմ յօժար կամօք իմովք առաջի Աստուծոյ, և Որբուհւոյ կուսին Մարիամու. և սրբոց հրեշտակապետեաց. և ամենայն սրբոց և սրբուհեաց, մանաւանդ առաջի պահապան հրեշտակի իմոյ և յատուկ Աստուածամօր միշտ կուսի, որ է պաշտպան իմ: Եւ եւս առաջի Գերապայծառ Տէրութեանդ, և առաջի Վերապատուելի հարց և եղբարց ներկայից յանձնեմ և նուիրեմ զիս աստուծոյ, Նախ ուխտեմ զողջախոհութիւն առ ամենայն զգայարան իմ ներքոյ և արտաքոյ: Երկրորդ՝ ուխտեմ զհնազանդութիւն յատուկ եպիսկոպոսիդ իմոյ յամենայն զօրութենէ հոգւոյ և մարմնոյ: Երրորդ՝ ուխտեմ զաղքատութիւն կամաւոր զամենայն կեանս իմ: Եւ դարձեալ, խոստանամ ուխտեմ և երդնում պահել զհաւատն սրբոյ Եկեղեցւոյն Հոսմայ, որ է կաթողիկէ և առաքելական. և ըստ կարողութեան իմում ուսուցանեմ: Յօժար կամօք հաճեցայ զայստիկ. Օգնեսցէ ինձ Աստուած. Ամէն:

Յամի տեան, 1731 ի սեպտեմբերի 8

Ի Տօնի Կնիզեան կուսին մարիամու աստուածամօրն:

ՂԹ.

Կարճառօտ նամակ մը, որ բաց ի գորովանքի գեղեցիկ արտայայտութենէ մը առ Մխիթար, կը ներկայացնէ մէկ երկու դէպքերու հետ ազգային սովորութիւն մը Գլուծի հայ գաղութին մէջ:

Օ. Յ. Ք.

Գերապայծառի և Գերյարգեցելոյ տեան Մխիթարայ Աբբայի
Հօրդ մերում մեծաւ խոնարհութեամբ մատուցանեմ զողջոյն, և այլն.

Որպէս մեղուն փափաքի զարնանային և ամառնային ծաղկանց, զի անտի ծծիցէ զքաղցրութիւն մեղերն, նոյնպէս և ես տառապեալս փափաքիմ զարնանային և ամառնային քարտիզաց Գերյարգելութեանդ, որպէս զի անտի ծծիցեմ զքաղցրութիւն մխիթարութեան...: .. մի քարտէզն Գերյարգելութեանդ (Թէպէտ և իցէ կշտամբողական) արժէ ինձ աւելի քան զհազար Ամէնօպօլիս և Էլիզապէթապօլիս...: այժմ վերստին սկսեալ է ժանտամահն ի հունկարիայ, և առաւել քան զառաջիկան արգելեալք են ճանապարհքն: Ի պէջէն կարեն անցանել առ մեզ առանց զօնդօմացիայի. բայց աստի ոչ կարեն անդր անցանել: Իսկ Հայք բազմիցս գնան ի պէջն Բօշղայով...: Երբ տէր Նիկօլն վաղճանեալ է...: Աստ թանկութիւն հացի է, և սիրոյ և միաբանութեան մանաւանդ ի մէջ հայոց...:

Յամի Տեան 1740
Օգոստոսի 7
Ի Գլուծի սէմինարն

Պատրաստական ամենայնի
Նուաստագունեղ ծառայ
Հ. Թէնդորոս Յովհաննիսեան
Կրօնաւոր ի Կարգէ Ս. Ա. Աբ.

P: S: Յ: Ք: Յայտմիկ ամսոյ 15ին ի տօնի Վերափոխման սովորք են գալ ի գլուծն հայք թափօրիւ ի Կեռայէն և ի Պաշխալովէն, ի լիակատար Ներուղութիւն յեկեղեցին ձէզվիթաներուն. վասն որոյ ձէզվիթայքն ամսով յառաջ խնդրեցին զիս նախապատրաստիլ առ ի հայնակ զքարոզ ստել ի նմին աւուր. և սկսեալ էի նախապատրաստել զքարոզ: Բայց աստ եւս եհաս նախանձ բանտարկուին. քանզի դրդեաց զՏէր Նիկօլն զօտէրաշեան գալ ի գլուծն, և խնդրել վասն քարոզութեան, զի մի այլ ոք քարոզեսցէ, այլ ինքն: